

[Accueil](#)[Revenir à l'accueil](#)[Collection](#)[PARCOURS 1 - Consulter le corpus des recueils collectifs de poésies françaises du XVI<sup>e</sup> siècle apparentés au \*Trésor des joyeuses inventions\*](#)[Collection](#)[ŒUVRE : Esprit trouble](#)[Collection](#)[Édition : 1539 - Esprit trouble - s.n.](#)[Item\[1539\\_Esprittrouble\\_sn\] 078 Amy pour répondre a ta lettre](#)

## **[1539\_Esprittrouble\_sn] 078 Amy pour répondre a ta lettre**

### **Présentation générale du poème**

Titre de la pièce Rescript de l'Asne au Coq.

Incipit non modernisé Amy pour répondre a ta lettre

### **Les pages**

En passant la souris sur une vignette, le titre de l'image apparaît.

5 Fichier(s)

### **Présentation de l'exemplaire**

Formatin-8

Imprimeur-libraires.n.

Date1539

Lien vers la notice du catalogue de la bibliothèque où est conservé

l'exemplaire [https://soeg.kb.dk/permalink/45KBDK\\_KGL/143rgf3/alma99122845339505763](https://soeg.kb.dk/permalink/45KBDK_KGL/143rgf3/alma99122845339505763)

Type de numérisation Numérisation totale

### **Emplacement du poème**

Rang dans le recueil n° 078

Mention située à la fin du poème Fin de l'escrit de l'Asne au Coq[.]

Foliotation H3r, H3v, H4r, H4v, H5r

Présentation typo-iconographique Pas d'illustration

### **Informations sur la notice**

Contributeur(s) Primot, Carole

Éditeur Équipe Joyeuses inventions ; EMAN (Thalim, CNRS-ENS-Sorbonne nouvelle)

Mentions légales

- Fiche : Équipe Joyeuses inventions ; EMAN (Thalim, CNRS-ENS-Sorbonne nouvelle). Licence Creative Commons Attribution - Partage à l'Identique 3.0 (CC BY-SA 3.0 FR)
- Image(s) : Royal Danish Library

Notice créée par [Équipe Joyeuses Inventions](#) Notice créée le 03/02/2018 Dernière modification le 04/11/2021

---

Commande moy a Pathelin  
Qui va volentiers au moulin  
Tandis qu'on luy faict sa besongne  
Hillot est vng mot de Gascongne  
Ainsi que s'cript Clement marot  
Tu congnois le petit harot  
Qui demeure en la basse rue.

Esript d'une plume de grue  
Lan mil cinq cens & trente six  
Je ne scay debout ou assis  
Au quatre temps a la chandelle  
En escoutant le doulx chant d'elle.

 Rescript de Laine au  
Coq.

 My pour respondre a ta lettre  
Pardeca nous fault tresmal estre  
Pour le gain qui est tant petit  
En belle femme est apetit  
Pource ie faulte en trescripuant  
De Laine au Coq doreinauant  
De Prouence on aura nouvelle  
Au bout de lan la vache velle  
S'elle est malade elle n'est point saine  
Quant on mengue de la laine  
C'est grant remede au flux de ventre

H iij

Dont vient cela que quant ie rentre  
Cest assez pour gaigner le ieu  
Vng iour passe au marche ieu  
Quatre cuillers pour vng tournois  
Mais qui a eu bruiet au tournois  
Qui a este fait a Paris  
Les tresoriers sont tous peris  
Et ny en a plus nulz en France  
Par mon serment cest grant oultrance  
Faire tant de maulx soustenir  
(Car aultrement ne peut venir)  
A ceulx qui suent la verolle  
Il te conuient scauoir ton rolle  
Pour bien iouer ton personnage  
Cest tresmal fait perdre son aage  
Soubz vng asnier maistre descolle  
Ho deffende ceste bricolle  
Je ne puis la chaste tenir  
Qui veut la femme entretenir  
Il la fault mener a lesbat  
Car cest bien fait fuir debat  
Et puis quilz sont dor & de poix  
Je tenuoiray du lart a poix  
Pour passer ce temps de quarelme  
C'est vng doux menger que de cresseme  
Pour les dames parisiennes  
Si tu veulx auoir les miennes  
Tu les auras mes pantouflettes  
On porte maintenant moufflettes  
Aussi bien yuer qu'este

Et pour cela ny ay este  
Affin d'euitier les reproches.  
Il faut au soir porter des torches  
De paour de rencontrer le guet  
Tu ne scay point que dit marguet  
Par mon ame elle est desia grosse  
Regarde la comment il gosse  
Attache moy vne sonnette  
A chascun poil de la barbette  
D'ung boutecul ou d'ung cagot  
Et vous verrez maistre Ragot  
Qui vous ioura vne morisque  
Sois moy tousiours ioly & frisque  
Et retiens bien ce qu'on t'enseigne  
Si fault que du bras on te seigne  
Bons medecins ya a Laon  
Ianuier le moys commence lan  
Et suyt le froit moys de Decembre  
On y vend des chapeletz D'ambre  
A ceulx qui vont en garouage  
Que la malle mort & la rage  
Fait endormir le mailloteur  
Mais qui est ce fol barboteur  
Qui ne nous fait que barboter  
Il ne conuient ta barbe oster  
Si tu veulx aller en la guerre  
Pour cela ie ny pense guere  
Et ne respondz a tous tes dictz  
Car aduenturiers plus de dix  
A le preuost des mareschaulx

H iij

Après pasques les pastez chaulx  
Seront fort bons pour desieuner  
Faulx d'argent nous faict ieusner  
A grande peine pardeca  
Depuis deux ou trois mois en ca  
Trois furent menez au gibet  
A leschiquier bon vin on boit  
C'est assez pres de saint Martin  
Je me leuay hier au matin  
Encore lors luisoit la lune  
Trouuay quelqung de Pampelune  
Qui me mist en tresgrant erreur  
En me parlant de Lempereur  
Et de sa glorieuse fuite  
On faict icy grosse poursuite  
Aux hannuiers que dieu mauldie  
Il regne cy grand maladie  
Chascun na point monnoye a point  
Ce qui me vient tresmal a point  
Soit a midy soit au matin  
Dieu pardoint au poure Martin  
Il conduisoit bien son pourceau  
Je ne scay plus rien de nouueau  
Sinon que iay vng chapeau rouge  
Hola mon amy ne te bouge  
Les allemans ont prins querelle  
Pour rauoir vne maquerelle  
Comme feroit vng bon preudhomme  
Dieu doint grace au pape de Rome  
Que chascun viue en bonne amour

Bona dies bon iour bon iour  
Mon dieu que les sotz seront braues  
Dimenche au ieu iourdain de Blaues  
On en fera raportz diuers  
De ces moines vestus de vers  
Qui ont dames belles rebelles  
Monsieur en scaura les nouvelles  
Et notera en quatre liures  
Amours m'ont bien couste cent liures  
Et si m'ont faict coucher dehors  
Toutefois ce ne fust alors  
Que ce pougault vint a iube  
Le moyne parle a son abbe  
Quant il veult auoir sa iacquette  
Dont vient cela que la bucquette  
Eschet tousiours au malheureux  
Tais toy Normand qui es d'Eureux  
Et si porte honneur a ton maistre  
Car ie ne vueil cy plus rien mettre.

 Fin de lescript de Lafne  
au Coq